







原件短缺

P1-3



曲岸朝烟

黃子厚

野渡春波

汪大用

鑑湖秋色

許禮之

一坡翠竹

汪大用

三徑黃花

胡紹

八景總詠

汪大用

南隱軒

王伯修

悠然堂

汪玄錫

姚奎



企濂池

丁致祥

有本池

祝鑾

雨後更好亭

王激

遊太學贈言

滕霄

美人篇

汪玄錫

贈葵園方子 二首

唐臯

葵園詩

陽明山人

飛龍引 二首

戴翀峯

馬上奉次近體呈教 二首

潘旦

午日用杜韻

潘鑑

枕上預留方洪二子

湛文簡

七夕園居懷方時文

王寅

為賜谷丈題默照亭

訪賜谷丈王家隱園

汪少廉

題時文丈默照亭

王士龍

同方柳溪年丈遊金山寺

王龍泉

賀方婿遊泮宮詞



贈中翰袁翁小詩

余修期

贈袁翁方先生七言一律

余幼良

久德堂外集

新都平盈袁素方年編輯

積善家訓引

舒直庵

名清德興人  
進士布政使

予嘗見古人訓其子孫者徃徃誘之以富貴利達侈  
之以珍玩奇好雖知名士亦爲之如韓文公文章氣  
節爲百代宗師而符讀書城南之作猶不免云云如  
彼李衛公以人豪自負而相業亦高出一時其所記  
平泉莊乃至拳拳於一樹一石之不忍失是豈所以  
正其心術端其趨向使不奪於外物而永保終吉乎  
是皆可爲世戒者也今觀葵園方君輩所刊先世執



中齋積善家訓一編較之二公則大有逕庭矣蓋其  
要不出乎君臣父子昆弟夫婦朋友五倫之間而天  
人相與之際善惡感應之機明如觀火歷歷可徵人  
能於此隨事而興思觸物動念則不待外求而自得  
於性命之內而善日以積矣善既日積則身可長安  
家可長保而久大之基不外是矣何其詒謀之善一  
至此哉此方氏之子孫所以蕃衍而多賢者有繇然  
也吾知是編一出四方見者將必家傳人誦而永永  
行世無疑矣豈特訓其一家而已哉

竹坡圖序

汪容峯

左春坊左司直郎

吾邑之南有溪曰方溪村曰方村方氏世居焉昔承  
平時方氏有隱君子依山麓種竹萬箇日遊玩其間  
號竹坡翁後其子伯鑑思親不忘徵三衢幕賓汪仲  
罕爲之繪圖索諸名公題詠之兵革後卷帙靡存其  
曾孫彥昭乃卽其舊址而新其堂構告其西賓汪季  
寶氏而書之屬予叙焉予惟世德不泯克紹將來者  
爲未易得也亭臺丘壑池苑荆棘顧瞻感傷無間于  
古今遠邇此一竹坡也栽培于昔日固不能必其繪  
于後日也遠其子乃能靡忘其親圖繪于名筆而歌



詠于諸賢焉繪而歌之于承平之日矣又安能必其  
完美于兵燹之時也逮其曾孫又能不遺其親根幹  
植茂而堂構有加焉方氏之世德吾于斯有可鑑  
雖然子而生孫孫而生子瞻彼綠竹祖父  
貽裕于我後人者非徒竹之盛室廬之新  
焉學之講焉徙義而遷善焉以聖人所深憂者勉  
已焉則光前垂後其可量乎季實我同姓也來徵予  
言故書以告竹坡翁之爲子孫者

平盈文會錄序

程篁墩

敏政休寧人榜眼右侍郎

文之用也大可以華國次可以飭吏又次可以責身  
而揚先烈要之爲不可闕者然孔子謂文莫猶人而  
嘆躬行之難得則又必有本之足貴乎吾觀于方氏  
之平盈文會錄有感焉平盈距婺源西二舍許方氏  
聚居之且所與多文士卷帙相傳自宋而上率散失  
繇元以來尚有存者儒學生世良裒其詩若干卷爲

之贈貽賦詠若干卷爲外集揭奉以

復也既予以服闋將入朝世良

曰富矣哉考其小序知方之



仕所題三閭廟有耻隨三姓拜  
有黃菊未開孤令節之句志尚  
毅以身教而有節婦之旌文燦孝其  
親而有百感之集文皖睦其宗而有積善世譜之續  
月同之善言春秋惇顯之垂意雅樂他所著論亦恒  
出于懷古感時惜陰憫雨而于箴規友愛嘖桑漁釣  
之作尤多蓋其出處之嚴家庭之懿詩禮之承節義  
之守有足稱者然後致此豈必詞之妙意之工而後  
爲得哉嗚呼三曹諸謝詩則美矣君子不能無議焉  
若不建之憂譴於書馬王休徵不在能言之流而篤  
行純孝亘古鮮儷文之爲用誠有不可相無者矧方  
氏之賢萃一門出一時其富若彼而加之有本若此  
將必有賞識之者亦何患于無傳哉後之人因斯集  
而益求之以進於古作者之域賁其身而揚先烈少  
之以飭吏大之以華國使人稱之曰是不獨平盈一  
鄉之文而已此非世良之志乎







徒從之日衆往往以其藝取科  
事與時高下少年清新而老成  
高古於古未免語意艱澁眩目聾牙主司  
駟馬關錫此英茂者銳進而老成者多鈍棄也盍亦  
少賤以狗時好君亦不以爲然自信益篤而葵園之  
引溉不少休焉予嘗偕君拔入紫陽書院相講肄賴  
君規益爲多後利甲科官史局君以貢來京師當  
廷試內閣敬所蔣公先生司較閱淡加鑑賞謂科目  
不當遺此人才予時濫竽視卷親聆其語君往卒業  
南雍予贈之美人篇述得

請歸展君以書寄予曰明年未免老婦舞柘枝之舉  
予笑曰世良乃亦有茲態耶往年南都有達官婦年  
五十餘而產人以爲異僚友卿大夫多醵金賀之君  
明年值華誕則柘枝之舞寧不爲坐客溢歡初增高  
與耶君其曼習弗休乘時而擅場矣乎自今壽之始  
當其期客走葵園稱賀從鄉例也漳撫兩郡太守潘  
君希周舊在君講下且有姻雅來徵予文爲獻予故  
終述君一一噓俾初度日與客獻酌更浮一觥



壽定菴方先生七旬序

胡藻潭

名德同邑人進士參政

定菴方子嘉靖丁未八月壽七旬石隣潘子予故僚友也其子鉉讀書太學婿于定菴徵文為壽予曰德何能文微子則故舊風雅幾無一講也正德丁卯冬程子希大世興潘子叔玉方塘張子廷光余子宗器方子暨予同舟北上奎聚連茹情投膠漆搜奇吊古思入風雲間論

一人自期舟中壯之既而方塘登進

尚第乃後五科豈宏碩之器流必

末而疾徐弗恤耶聚首



祿位非所計龐眉皓首

與予耳諸公捐館而墓木有拱焉

人生之易邁悲凋落之無期此金谷蘭亭不能不繫之以感慨今我不樂日月其除所以諷人及時爲樂者三百篇有蟋蟀也時有客在坐一日七十古稀此已往皆餘日執祫采藥決渠灌花此其事歟一日行百里者半九十言末路晚節之難也淑慎爾止不愧屋漏此其事歟予謂內省不疚則胸次悠然天地之間無往非樂無往而非天理之流行故簞瓢風咏而堯舜氣象三代禮樂存焉者亦惟一之學彼此相爲用而未嘗背以馳也二客之論其亦二而一之者耶定菴進德未涯構亭山椒興復不淺或者亦以予言爲然也子鉉持以質焉



方三台翁七十序

潘雪松

名士藻邑人進士尚寶卿

年果足貴乎則麗眉台背者盡得席上尊稱三老而齒鄉黨矣富果足貴乎則海錢穴金者盡得人子雲之書而披衿肘見厭糟糠而飽簞豆者反不與矣然則華祝箕疇之說非乎有說也夫人以其所得之有餘為福然而有所不足者非福也能以其所有餘兼其所不足此自求多福者也德有餘則分韓子稱聖人為時人財有餘則分史遷稱人富而仁義麗

詩稱壽考遐不作人故曰取以與

漢人言損有餘補不足



者

天損故曰福苟惟其自  
之行也于德爲悖戾于富爲害仁

于年爲尸之貴哉吾鄉平盈三台方翁蓋富而仁

者自厥考以行義著聞嘗捐金創宗祠以合族敬祖

爲已事至翁居積愈厚子孫益蕃翁不以其所居積

者爲子孫私殖計唯急急先人之義益光大之修宗

祠之未備置常稔田百畝以贍族人撫孽弟如子時

割其囊潤之曰吾與爾爲善資也翁子皆克肖其德

長君判大郡致政歸養季君亦將仕是爲先簡肅公

甥奕然門第之盛然鄉閭不誇門第而爭言翁行義

之高翁持躬極儉約布袍青纒終身無綺飾甘脆之

奉年踰六十蓬居吳門毘陵之間六七載兀坐靜寂

未嘗挈榼拉朋爲遊具而獨于義所分予不恡千金

費蓋與沱川余叔子毅齋氏益以財而行其義捐囊

佐同胞之急吾心竊嘉之以爲難聞者舟來自北訪

余叔子瓜阜適毘陵聞翁在白下以是月登七袞諸

郎將奉歸爲家大人權也于是臺山叔命予言以壽

予固不能懷人之善若縻于心不暫解旣非陋

下也以分其不足何幸得有如翁者以

考嗣大布其德然則富



言  
家以自  
言或亦比于佛氏讚歎功德也  
不餘者皆知為不足之施無徒封  
何之乎予故以不腆之

送方述菴翁歸養序

楊文舉

南苑人會魁  
給事中

三吳文獻甲天下而徽為之最然徽之屬邑推轂于  
葵葵之亢族推轂于方舉齟齬時走金陵聞方氏之  
盛願一識面而不可得隆慶戊巳間舉浪遊金碧時  
聽泉翁備兵臨安迺得聽泉公師事之丁丑冬舉縮  
令符來保山則又拜連帥賜谷公于紫薇堂比至永  
昌而述菴公領昌郡別駕舉又得而拜之以舉足跡  
未半天下誠方氏者凡三且皆為一代偉人方氏  
可下  
公蒞昌郡四年握視郡符者幾三  
方經濟迺保無虞是



則萊公北門之望也輪

功

食歌則富公青州之惠也求水源

以興久矣冰開離堆之績也獨奇貨而謝私質

則揚震辭夜金之節也舉忝公屬吏奔走踰月見公

之棠陰映日口碑盈耳竊謂淵源家學人品自空卓

異且計當宁者西眷永昌必為河內久借寇君無何

而公有秋風之恩夫人情官怠宦成則去憂讒畏譏

則去引年避疾則去公筮仕耳春秋鼎盛而清譽芳

騰胡為乎欲去耶遂再四叩公所以公明言曰吾之

萬里來官馳驅於王陽畏道者從親命也昔吾親尚

壯而今老矣愛日之誠懇切方寸吾不忍效絕裾輩

虛勤雲望也噫毛義捧檄古今以為躓譚以公所志

獨非其倫也哉未幾而有唐藩之命夫藩臣簡滯仕

路薄之以公宏才雅望使為州牧為郡貳亦不過循

資轉耳藩封之命如郵勞之典何公聞命欣欣束裝

就道翹然輕舉之態真若鴻毛之脫樊籠巨鱗之逝

江海者嗚呼一日之養三公不易迺公挾畫錦之榮

遂斑衣之也萬鍾千駟不以當心彼藩臣之擢視

之等也帶于胸臆哉婺中多麗水奇山

湖之勝皆隣于婺而甫



日有八  
二疏事者知其為公橋梓也舉  
蜀人也  
一 派直抵蘇門倘釋重負以歸當買舟  
南下問公于煙月溪雲中以觀公侍養之樂而再識  
方氏之盛不知公尚能憶門墻舊吏否

壽述菴方翁七旬序

余少原

名懋衡進士  
吏部尚書

自古稱樹德樹德難乎哉莫為之前違必其後猥云  
作求有先之者矣籍令不越丘里務滋之謂何芘以  
千乘不亦存乎後之人哉以余觀于述菴翁之家蓋  
稱世德焉翁故長者後其大父光州公嘗捐已貲千  
金為其大宗構祠封徵仕公復為割田百畝畀祠供  
祀事克成父志諸所未備翁復起而任之正寢聿新  
祠事次等  
其仁親如此是空方之家誦其高義三  
葉語不

遂謁選

遊太學夙著英聲屢試不得售  
以置上選授郡司農歷



汝南漢

汝南漢中最久攝郡攝邑爲

澤尤多士

乃身以恕與人剛中而異出之正

直以孚一七之法不事焉直根其率親率祖之心爲之以故遠方之民輸忱見德無異于家大有父母孔邇之意不虛也又聞翁筮仕初嘗見會州倅有急憐之爲貸人金索百金不得償後竟償以已貲不色悒此又古長者風微實好行其德已江河之流不幾爲涸遇而投之不自爲功翁爲德自近無所壅闕駛之家濟之官橫身所適橫念所動其誰不徧爲德者邇厥淵源食舊者宐不及此樹木以世隱將庇其所賴矧曰世德其嚮用可勝道哉于其身于其子孫不占孚矣今秋之季于是始登七袞其夫人寔前翁兩月而先稱偕老獻春舉孫真英物又令子游太學將以博友天下士廣所聞見繡其鞶輓爲世大用所謂老而傳者在茲矣聞翁當舉孫蠲其佃逋穀以千計是千人者無不願減年以增翁壽顧翁自有壽類且尊生其夫人又有內德克相之卽不有祝禱猶將歷百歲而上之矧有千人之祝在壽其何疆之有不佞辱在婚姻隄天一言愛以爲助則惟是徵之世德以自比于千人之祝



賀述菴方翁八袞雙壽序

余大鄣

各啓元進士大理卿

今上御宇四十有一年秋八月十七是爲

聖人生日萬國衣冠四夷椎辮趨效華封相望于道

啓元謬參卿貳承乏豐鎬次當行孟夏朔二三元老

拜表于郊予以期日尚賒便道里門停驂少憇從子

鳴盛造予而請曰盛婦之王父郡伯方公暨王母潘

夫人僉以是秋躋八袞盛宜肅辭進酒然必籍名卿

鉅公一言焜耀賤子之觴顧吾父方薄宦燕邸遠莫

及致伯父茲來適與期會願伯父贈言畀盛得藉手

以爲壽予曰唯唯壽者天所以命有德亦人所自爲



也語稱仁者壽又云大德必壽洪範五福首壽而歸  
重攸好德壽果人所自爲也然則方公之壽公之所  
自爲也吾聞方氏之先世世載德迄公父封君嗜義  
如渴樂施予賙人之急尊祖收族無不曲至當是時  
推好德者必推三台先生以及我公抑又甚焉種德  
之門景福川至眉壽日升天寶培之矣吾又聞公少  
爲諸生籍甚入賢關道旣通登仕版凡兩守大郡多  
惠政及民勵操任直湧退娛親父子兄弟之間肅若  
賓對若朝子弟馴謹如萬石君家公蓋恪于名教者  
公性簡默日坐坦蕩軒不問外事凝神導氣泊然無  
營休則扶筇出眺山水卽今視聽不衰公一似知道  
者公心仁惻居常率供伊蒲饌布金起梵宮以十數  
剗畏途航迷津所在有之公又似信因果者天固單  
厚于公而公更勤修如是錢齒聃年未可量也壽者  
無錫茹文中性坦易志慷慨解書史遠勢利年百有  
十歲崔文敏亟頌之以爲有堅實之氣其體壯固而  
不羸有精明之心其氣凝定而不搖吾竊以此頌公  
然吾知茹之不如方也彼獨一人之身耳其伉儷繼  
體無聞焉公暨夫人僉登上壽嗣君亦且未艾三壽  
作朋如岡如陵真公家之謂乃知公固不特自爲壽



亡也若是者于家爲餘慶于國爲人瑞不佞躬閱其  
盛寧靳掄揚且吾此行也將入賀彤墀倘嵩祝旣竣  
天顏有喜召問天下高德者加覃恩焉則臣啓元臣  
懋衡當以前汝寧守對東帛賜爵公必寵被矣

壽理吾方君六表序

焦漪園

名竑狀元修撰

嘗論修筭引年其益以天攝持養生其無損以人予  
自忤世家居時以此兩者緝閱往牒勘較來茲問訊  
于耆年碩德之叟蓋益信無受天損者十一其無受  
人損者十九何也人之精神氣血如摩尼珍寶然時  
用時藏則晶光不洩有如等瓦礫而出以與世磨礪  
則齒先舌敝之道也理吾方君其前人以明經成進  
士繼世科甲雲初爲徽婺冠帶之望至君席累世盛  
美豪傑磊落不屑屑于字比句櫛惟一意于古文辭  
而博雅宏深溫淳長厚其後君繇成均授秦中行都



幕府政聲嘖嘖晉署苑馬寺狝牝雲仍繼以建兵餉  
石畫齟齬當道遂掛冠浩然而歸歸惟固屣履素采  
眞養高而今且甲子六十矣高州別駕朱養齋君與  
予莫逆又與君長公初賜親托肺腑而藉一言以侑  
萬年之觴予謂人之精神血氣政如摩尼珍寶不空  
鈛用迺君以庶盛貴介其取精用物旣多且宏而獨  
能不疆陽于馳騁不消耗于章句其一稍試也又卽  
贊麾霍于兵戎乘淵塞于罔寺建石畫于隴西而志  
一稍違輒掉臂徜徉不少損其天此之謂葆養天和  
珍惜精脉如太阿陸離匣而藏之不時洩也明珠晶  
瑩囊而括之不忍親也適志恬愉優游怡悅君且頽  
然鶴髮而爲國耆老俊髦壽殆未可量也倘所  
謂無受人損者非耶雖然  
世廟時星官曆師奏壽星照吳越分野主其地多高  
年耆碩而婺又適值牛女之墟爲吳越中分君豈其  
應運而生者耶卽君之壽又天授非人力也亶其然  
與謹以是塞朱君之請



吳郡以與塞米家之請

賀內翰袁素方先生七旬序

倪鴻寶 元璠

歲丁卯予承乏搜才江右董生成功所最賞識士也  
公餘數下榻談文抒素咨風問俗知新安銀峯壤地  
犬牙錯世多婚媾焉因詳詢兩地佳山水先達縉紳  
暨時賢行誼如親披月旦

今上之六年余弟元珙巡視豫章竣事覆命闕下  
袖董生近菑併致尺一乞文以爲親家袁素方君壽  
夫余浮沉史局諦觀今古久矣烏可無言竊嘗論天  
下事有可爲有不可必致積德累行人所可爲也而  
富厚福澤人不可必致也迺詩書所載多福自求餘



慶迪吉達達與栽培之說相發明天與人又未始不相因焉跡董生所述方氏族冠紳簪紱項領相望固葵名閥君蚤歲已折節好修盡鋤貴介氣耽讀攻苦不窺園啣晤咕嗶恒與諸士角宵旦試輒冠軍主盟文壇都人士咸推服暨脫角巾服三事紳爲天子輦轂之臣益淬礪卓越間與長者先生遊學日益進研性命而勘義利容與坦夷任數自適不必無仕不必竟仕故或脂車秣馬于京邑或夷猶盤旋于巖谷若爲山林魏門平分其履舄也君猶以孝友爲政于家蓋自先世已饒君籍以好行其德慶暗問遠無虛刻人有急稱貸不少愒卽終不償城弗與較戚黨或有糾結出片語解其繩根無不輸服卽陳太丘何讓焉此皆君所可爲而爲之者也迺予更心艷于君夫封人之祝三洪範之福五富與壽有同稱焉今君卽不以素封自多而茲者壽七旬矣是古者杖國之季也君固取道蹉蹉若騶裏之歷塊髮甚鬢若壯容甚澤若未艾此何難于大齊哉且玉樹森森大強人意是則人所可爲者君自致之而人力所不能者天且爲君致之吾安知天之所致非卽君之自致也然余願有進焉衛武公年九十爲王卿士猶作抑詩



以倣敬慎威儀此武公自壽不可諉人壽武公矣余  
之文何爲董生其賦淇澳

正學明谷方先生存稿叙

洪覺山

名垣邑人進士御史

吾友明谷方子其世之麟鳳芝寶矣乎昔人有云麟  
鳳芝寶世所希覲然見其一鱗羽一莖葉亦足使人  
爭先快慕不敢侮狎固不可多有也今吾明谷性弘  
重夙好道不以文故著作無遺稿鮮有存者門人所  
錄亦鱗鳳芝寶之一鱗羽莖葉耳且吾明谷當衆論  
詆訾之時獨識一泉師孑然不遠數千里從之遊  
艱關不舍又必歷二十餘年而後始得以其學振吾  
鄉以起我後人則雖一鱗羽一莖葉之爲祥固世所  
未易識也雖然嘗謂明谷獨坐澄心默察天地人物



渾然燦然之體以明勿忘勿助之功甚益師門所不可少者識仁數章其最焉至其超邁見聞脫離光景淡然無物以求直達乎吾之本心者則亦不敢謂無一得之愚而或未然之則麟鳳芝寶之未見祥于時也亦空噫明谷徃矣真瑞存焉存其真於一鱗羽莖葉間後有具眼當必有識之者又或因是得覩麟鳳芝寶之爲祥識者固不可多有也

韋絃庭範序

東甌王如春

丙辰進士

余識彬然方君于都門見其謙抑自下交遊不苟窒塞瑕竊意其有得于家學比偕謁選人余令香山而君佐順德皆蒞在羊城也聯鑣至止無何順德承匱余又受攝焉而君之儉以養廉勤以習辨身中律而心慎其微人所應有者皆有人所應無者自無余未嘗不以君爲西門之韋安于之弦也一日君出琴絃庭範問序則其尊人仰台翁所手識而乃知君所自賢也夫鯉庭再趨以後曼倩著誠于龍蛇伏波示喻于虎狗庭訓不勝枚舉而文最著者無如顏氏家



訓然嗣人之遵循無聞焉此鬼愛淡松茂栢不聞于弟毀譽千古同慨矣是以古人重世德卽世祿不與其子之以父重者則尹之擊也且之禽也與之虎也其父以子重者則回之路也參之哲也若陳氏之仲弓也元方也季方也荀氏之淑也爽也或也乃交相爲重者也今參然君得父教而行益修仰台翁得子賢而教益顯交相爲重方氏父子可以風矣遂書以告方之後人佩此章茲使人以世德歸方氏雖百世可也人苟卽之同百世可也此余序之之意也

雙節堂序

陳翰林

名循泰和人狀元大學士

方齊同氏徽州婺源人也遠來京師索雙節堂序其言曰雙節者乃吾大母胡氏與吾母鄭氏也先大父在洪武中用薦擢贛州寧都大使以廉能稱不幸有疾卒于官先父聞訃奔哭撫柩歸墓尋亦繼亡時母孺人年方二十不肖生纔三月煢煢孤立賴吾大母與吾母孺人勤儉鞠育至有今日獨念二親遭逢禍變不以勤苦而易初志是蓋有光于前有垂于後也不有以表之將後之人其何所取則乎願乞一言以識不朽余聞之喟然嘆曰有是哉不可不紀錄也仰



惟我朝

聖天子以孝節治天下五十年間德澤涵濡自畿甸以至四方自公卿以及細民孝節之風洽于遠邇雖婦人女子皆知感化何其盛也今觀方氏一門再世而二節相繼輝映豈不足以觀化而為天下後世之矜式乎於戲疾風知勁草士窮見節義方氏二婦之節固因其所遇而見使為男子豈不能為臣死忠為子死孝臨大節而不可奪也耶余因為之推其義以告其後之人而且以為天下後世之為婦為子為

臣者助也節婦一姓胡氏雲峯先生之族孫夫日光昭一姓鄭氏邑東廟名家子也夫曰士毅云

附錄 方氏細珍貞烈序 邑人汪敬進士戶部主事

考川胡貞華來求其嫂氏節死詩序云兄名亨華早

喪父性敏能文年二十娶方氏名細珍少兄一歲性

孝敬未半載夫患疾頗殆方氏百計以療或禱天願

減已笑以益夫亨華度不能起謂方氏曰恨吾不壽

誤子之歸也方氏泣荅曰勿慮有姑在堂夫若不幸

妾豈有他意哉生死之事有未完者俟妾為之即當

相從也亨華死方氏頓絕而蘇者數四卜墓里之齊

源囑工虛其右壙以待明年清明命工鑿石砌墳祝

曰妾事畢矣又託附音于兄弟曰吾苟有事實以義



從慎勿見異夫家以負吾志家人防之方氏詒曰無  
他也一日升堂點茶奉姑及諸長幼從容入房欲自  
經適隣嫗來呼門而覺頃間令婢于窗外混以紡聲  
入房溘爾而殂聞者驚嘆以爲真節義之婦方氏兄  
弟欲舉其柩歸墓田婦忽見亨華如生呼謂之曰吾  
夫婦生死相同不空異塋汝爲我報之言訖不見田  
婦至言狀舉室又大驚異舉以塋前所虛之壙於乎  
感慨殺身易從容就義難若節婦者非其天性之美  
其能從容處死若是哉口聖賢之書身縉紳之流竊  
祿偷安曾靡廉耻者視節婦何如哉節婦出吾邑方  
村其先有以雙節旌其門者寧都司稅其曾祖曾祖  
母與祖母其旌表者也前海陽冷汪藻節婦外祖胡  
氏則皆祖明經書院山長雲峯先生是三家者儒宦  
世胄予深嘉節婦而詳及之亦稱人之善必本其父  
兄師友之意也



南隱說

潘澹菴

名珏同邑人進士僉事

山有南有北有南北則有陰有陽有陰陽則氣有清有濁有清濁物從而變美惡形焉故惟嶧陽之桐材中琴瑟丹山之鳳音協律呂南山之豹色具文章則固有是理也說者謂豹隱南山霧露澤之七日而成文殊不知霧乃陰氣宜莫重于北山豹且南隱其理有可推矣蓋山林草木蟲蛇之惡氣鬱而騰上為霧氛禳瘴癘皆其異名露其餘潤人物沾之則有害惟南山面陽土燥而剛盪之以薰風暴之以朝陽故霧露恒簿豹得而隱焉則其始生腴毳柔膩之毛無毒



濕之浸淫易于燥健而文已成七日之說不誣也人  
不可得而褻玩故管窺者時見其一斑耳易取其善  
變以况君子則夫隱居求志者烏可不慎擇其所處  
乎邑之平盈方君豹者嘗名其軒曰南隱蓋取豹隱  
南山之義彼之居處固不必山之南也寧無盛德君  
子有如南山之石氣象巖巖爲人所瞻仰者乎寧無  
禮讓成風忠厚成俗有如南山土性之爽塏風日之  
和煦爲人之所薰炙而醞籍之者乎又寧無清標雅  
韻秀出等夷有如高岡之魁梧春誦夏絃比屋聲聞  
有如朝陽之語鳳爲人之所愛慕而歆羨之者乎隱  
居于是則身心耳目無滯邪之見奪自然相觀而善  
相感而化移易其氣體養成其德性成就其器局增  
益其所不能進之顯顯令德宜民宜人退之皎皎自  
駒在彼空谷有如豹得南山之淑氣以成其文炳然  
澤然照耀林谷間不能自己者人方畏而愛之則而  
象之用之以飾車服器用殆與人文益著于世矣方  
君以其卷徵予言予仰其名久矣惜乎隱而不見予  
言不足徵也因著南隱說



因著南園錄

其書始言言其其亦久矣南平劉前以

葵園說

潘寒泉

名旦同邑人進士尚書

弘治壬戌秋業師西峯先生築樓于聚秀坊之南沿  
墻植葵扁曰葵園書屋且聞之私繹厥義莫能得偶  
三友自外來且揖而進之語以故其一友欣然而笑  
曰此殆所以况忠乎先生雖家居未嘗忘當世聞一  
賢人進輒喜不寐邊有小警憂形于色間托諸詩歌  
以見志久廩黌宮益圖報稱是舉也殆將涵養淳礪  
練歷天下事他日得志則設施啓沃必有大過人者  
皆愛君張本也以吾之愛君况葵之愛日理無或二  
故植之而復扁之者既取其類已將以誌不忘也其



次友曰不然人之感物者必取最切要者而揭諸扁  
某嘗獲侍先生館于軒側每旦夕定省不曠偶或出  
遊遇耳熱必謂其母有思倉忙步歸比上謁母必迎  
笑曰正爾念之人以爲孝感之驗舊廬火因稍遷左  
不數十年又火復卽故址建屋以居母年七十餘矣  
感遷徙之無常慨日月之惟邁故取愛日之義以蔡  
名園一喜一憂示不忘乎孝也若忠固素有者官守  
言責未委諸身較諸事親孰爲切要先生口雖不言  
而志實有在矣其三友曰不然身居廟堂則事于忠  
才居家庭則事于孝斯樓也爲講道修身之所非主  
于奉親君也夫蔡日出而舒日落而卷巨葉踈清動  
衛其根先生守已如女舒卷安于所遇雖嘗無違于  
親未致受大杖以仆于地夙抱獻璞之忱又必以刑  
足爲戒而擇其所事自衛之智有如蔡者此其愛而  
取之也且聞三言喜不自勝遂起而拜曰命之矣諸  
公之言鑿鑿有據雖若各主一義而理實相通何者  
忠卽孝之移固無二道衛身又其本也故曰求忠臣  
于孝子之門又曰未有不守身而能事親者二義悉  
備于蔡實先生之所兼取獨揭諸書屋者雖古人卽  
物銘心之肯亦將使學者顧名思義朝夕觀法庶衛



身事親事君之道不獨私于一已固揭扁之深思也然序言之始于衛身中于事親終于事君立身行道爲孝之大必得君而後顯若要其極舉一忠足以該二義也三友亦以爲然遂退而書其說敢請質于先生焉

定庵記

方棠陵

名豪開化人進士副使

櫟峯程君以台州推官受知于監司代行事諸郡邑間逮予開化訪予小浣溪頭酌之棠花館舉杯作而請曰所親有永嘉令諱升字世猷同公姓者自號定庵庵未有以記之九月某日况逢初度厥子珞予婿也居之鄉同官之地隣其心其政亡弗類者願公爲我記其庵且寓壽之之意焉予訊之曰敢問名庵之實程君曰方方君之爲學也其質甚穎其下筆輒異于人而其功則久而益篤焉是其學之定而無所恃也比君之舉于鄉也舉主費鸞湖甚器之人擬其卽



捷矣屢蹶而益奮庚辰復蹶或勸之曰今已六戰矣  
春秋高矣盍就銓君弗之聽是其志之定而不爲沮  
也旣而君舉癸未進士也例外補人曰舉主當國例  
可破矣君曰命也例乎何尤亦弗之聽是其見之定  
而無所惑也今其爲永嘉也于已嚴于民節于事勤  
于所欲爲者撓之弗爲止于所不欲者驅之弗爲行  
或語之曰此殆非所以獲上乎此殆非所以說巨室  
乎弗之聽是其政之定而不可易也其平生處家也  
承若考澹軒之業有兄弟三人太學生瓏之父曰勤  
鄉進士舟之父曰建成厚于殖君唯磽瘠數十畝至  
今弗增有嘲之者曰若非澹軒子耶亦弗聽是其守  
之定而無所羨也予聞其言不覺擊席高祝曰夫方  
君可不謂壽者哉夫山之定也千祀而不崩水之不  
定也一畧而不凝定乎定乎其壽之基乎夫作室者  
必先築其基基固矣雖岑樓廣廈鴻毛也基不固則  
室欹欹則日漸以仆至于不可支矣程君曰方君嘗  
結一庵于星源之鄉厥土唯剛厥築唯強厥址唯良  
菴之高不及數仞之堂而竒書焉藏耕焉望倦焉徜徉  
時人擬草廬于南陽子孫將世守之以無毀傷爾  
矣予乃嘆曰方君有見于結庵寧無見于致壽異時



功成拂衣高卧庵中予當携杖相過乞君長生之藥  
同歌太平庵之猿鶴庶不以爲生客矣

附手簡 拙文聊荅樸峯之命甚愧草率乃辱念  
及宗誼書幣下頒拜受慙哉恭喜喬擢尚欠奉賀  
行李匆匆今茲未遑容暇續致滁陽山水清妙宦  
游若仙海角迢迢攀望何及臨書悵然

闡幽記

洪覺山

隱顯異地出處異時遇則安之素位而行者也故宏  
猷遠畧樹勳鼎燹令聞廣譽垂芳竹帛是出有赫赫  
之光人爭快覩而悅慕之有不闡而自揚者至于閑  
適林泉而潛修自懋飽飫道腴而素履坦旋惟知養  
晦含章而無心于炫售曷由聞見于人此隱德之士  
不常知于世而闡幽之論君子常致意于風教也邑  
之南有處士方君幼事儒業弗求仕進孝友天植仁  
惻淵涵好善樂施動必協矩捐已業均資昆弟輸重  
貲創勣宗祠設祭田以祇先祀儲餘租以養生儒遠



祖墓被豪侵奮然率族告復捐已置產創觀守護宏  
遠規以敦崇本之孝且遜址而不立券曰存爭釁不  
如不遜樂輸而却誌碑以爲無庸籍此存形迹其不  
近名又如此是皆義之大者其他賑貧恤乏施橋治  
塗抑已謙人遇侮不較瑣瑣細行不暇枚數王生霽  
橋近與同紀邑侯永賴成規揚其善以語予又得其  
悉于方子德剛尤徵人無間于昆弟之言誠積中發  
外之幽光也予喟然曰夫人唯取足爲我卽根源間  
罔顧慮固無足論其矯飾彌文倖竊虛譽者亦徃徃  
遺議于人至有一得之善急人知而名者又恒情大  
抵然也夫夫也重天倫明大義篤實行而無一毫干  
譽意其古逸民中之純德歟其今隱德中之表正歟  
彼墮行冥冥而伸節昭昭者聞之當自媿矣誌之可  
以闡幽光裨風教而爲潛修之砥礪豈惟在位赫赫  
者爲光顯哉王生聞而躍然請誌予言致之于處士  
遂書之以爲處士頌處士諱仲誥號三台年逾七近  
八而尤巋然癯癯五子三登仕藉孫十有七俱課舉  
子業儲于郡邑庠方進朱艾此又幽德休徵之應也  
是爲闡幽記







里樹風聲閨範肅然愈久彌新往時曾孫女珍以節著異于弘治間實書在志比者來孫婦瑞又以節蒙特旌命下之日又與鄭母同在巳酉而珍嬪亨華瑞出考川皆于胡母爲族其間一德不渝格于年若例不及升 聞者徃徃而是此其精誠感于神明禮義結于人心上下交孚內外無間真可與日月貞明天地相爲悠久而二祖刑于之化益章章矣世習日下士懷二三以頌人宗國裂綱毀常者何可勝訾有母如是孰忍須臾忘之哉某年月日其雲孫等十人相與建祠 賜坊之左畔題曰雙節歲以生忌之辰齋戒奉二考妣爲位合祭以自致其反所生之忱而以書來屬記于予予惟尊上德揚世美著家節植世教天理民彝莫有大焉雖弗命猶將不一書之况妻公之胤嘗受福于其王母乎遂不辭而爲之記



題平盈文會錄後

唐守之

予一夕漏近五鼓惚惚夢篁墩程公先生雲巾鶴屐  
欹坐一榻飄飄然有仙風道氣顧見予懽然喜因命  
就榻坐予以館閣元寮桑梓先達辭不敢又重違其  
意踟躕不安者久之恍然覺則東方漸白攬衣起坐  
默然沉思豈靈爽固存若有詔予者耶日小還友人  
方世良遣使至以書投予曰吾家有平盈文會錄將  
入梓幸假一言乃併以凡例目錄一册見示則篁墩  
先生首序爛然在於乎疇昔之夜所感夢者非以是  
夫先生之序嚴核精審無容後有加矣初贊二語即



佛首着穢奚可哉是記所夢律刻詩梓亦具其事有  
足異者而先生于世良又若復予述之成也

題筠谷八景卷後

汪蓉峯

予同姓友生季賓以方氏筠谷八景詩卷屬予爲題  
其後嗟夫景之目則列爲八觸于目無非景也天高  
地下山峙川流日往月來春和秋清禽鳥之飛鳴草  
木之花實凡接于耳目者是孰使之然哉窮通物理  
妙悟造化心與天融物同春育發爲詩歌詠嘆何往  
而非自得之真趣若乃孜孜乎聲利汨汨乎物欲纏  
綿沉溺心昏神瞶莫知所止而曰斯景之美可賦可  
翫則吾未之信也王伯修氏往矣而詩語鏗然如接  
顏面豈勝悲慨許禮之氏吾未識也而詩意悠遠三







胡氏哭于庭姑婦孺然形影相弔號慟殆絕者幾親戚交慰諭之既而曰嗟夫方氏不絕如縷惟此孤耳天乎閔予庶邀惠于其先人與其徒哀以死孰若保餘胤以圖報乎于是姑婦飲泣而誓既終喪屏粉飾惡衣服杜門紡績以養其姑胡氏今年七十餘而鄭氏亦五十餘矣齊同長而賢孝已娶有二子方氏竟有後者雙節婦之力嗚呼三十年來寢昌寢替雖奇男子視其先之積遺委如弁髦者往往而然孰謂二婦人者于襁褓孤遺乃能自荷其責如是而卒若執左契合右券焉茲非人歟豈必皆天哉予嘉其有以植谷教勸薄俗故爲之傳云

載新安文獻志

### 方柳溪先生傳

張覺吾

聘夫國子監助教甲子

先生既沒之明年學官弟子上其狀于監司請祀先生學宮監司弗報先生冢嗣諱向余簌簌泣余勞之曰已哉先生學不近名斯豈先生意耶諱拜稽顙曰命之矣君惠傳之詔我後人先生姓方氏諱舟字時濟先世三衢蘇庄宋初諱棣遷婺源之棗嶺家焉曾祖思達祖文豹贈南京太僕寺丞父建以先生貴封刑部主事母胡氏太安人先生幼卓犖越常兒十歲能文作墨龍記有奇語季父憲副公升見之驚曰老師不如也年十二受經族父葵園翁時憲副公已舉



于鄉葵園故激諸生曰學者如某登名可矣先生應  
曰登名不難要期不負耳葵園大異其言從舅氏讀  
考川明經祠中發憤劇切人不窺其面僉憲澹庵潘  
公見而竒之字以孫女嘉靖乙酉先生舉應天鄉試  
葵園偕舉順天鄉人榜曰南北鵬搏憲副公登癸未  
第而先生繼已丑第謂豈偶然釋褐除富陽令富陽  
抗衝路民多悍先生專務德教導民幸民勿犯法有  
童子殺人罪當死先生鞠之泣數行下群獄皆泣錢  
塘仁和貢松木郡守發帑各縣發解先生曰邑憊甚  
矣寧堪此役乎歸帑于守而面白之守納其言民得  
蘇息俗好繁飾先生一切示民尚朴諸所竒異靡麗  
市不得鬻約民于禮廸之躬行新文廟劬家塾撫其  
子弟而教育之庠序用興重修嚴子陵祠故有巨鐘  
埋蝕土礫中前宰多方莫克取先生計起之如舉羽  
然置之富春山麓鍾鑄唐代姓名適與先生同異哉  
異哉先生作釣臺辨鍾樓記以識三年政成陞刑部  
主事民老稚欷歔攀挽若失慈母時同邑冢宰誠齋  
汪公柄銓衡先生蒞刑部未一載日思二親年高乞  
南便養汪公歎曰君志未易及矣得改南禮部無何  
丁主事公憂尋以刑部註誤謫衢州推官視篆諸縣



與民休息民有訟者輒蹙然于色諄諄以德化導如  
富陽時旋郡之日未及三月民皆攀泣至刻木爲像  
尸而祝之轉南刑部主事晉南戶部郎中奔太安人  
憂補刑部郎中擢寶慶府知府至則剪剔吏蠹踣擊  
官邪節縮浮浪疏滌民瘼邵陽尹以貪敗尹于巡撫  
有與援檄先生赴長沙喻以庇指先生直氣毅辭竟  
抵尹法藩府校尉強市于民先生御之不少貸因立  
規畫各辦估直本府代買校尉始戢考績入覲民相  
率乞留請于監司又禱于神祈不遷旣復任適旱雩  
不應先生入境是日隨車雨霈民歡然如更生日吾  
父母至矣先生至誠惻惻水蘂視身循循守道真意  
溢出而漸于匹夫匹婦之心而邑而郡無不懽忻固  
結捷于影響本立故也已而遷長蘆轉運鹽使司運  
使先生掛冠志勃矣御史移文優之路費先生答以  
明農固謝不受御史怒抵長蘆未一載而謗章下矣  
先生卽日趣裝歸于時憲副公懸車已一紀春秋大  
耄父子相隨夷猶榆枋間卽曰賢哉二大夫可也家  
居杜門掃軌郡邑削跡默坐一室圖書在御陶陶然  
也不酒不奕不荅國事之問不結香山之社不蒔陶  
令之菊不乘少游之車不炫雕虫聲律之技一任天



真道遙田里身惟布緼器謝飾銀室無媵侍所居舊  
屋塵凝一切玩好不入于心泊如晏如恭儉出于天  
性然爾論事恂恂温温于物無兢居庭無咤叱之聲  
儵然山澤之懼若未從達官來者見人愉戚如身有  
之惻隱流浹隨觸所及無不曲致童時偕群兒浴于  
河見溪岸有遺金立號失金者歸之人有饋生魚鱉  
者輒舉而投之河此雖細小可以觀先生之大致矣  
生弘治己未七夕日沒嘉靖壬戌三月八日年六十  
有四論者以先生惠政循良未階公輔爲憾然先生  
所至遺愛實媿卓太傅爵之崇卑不論也配潘氏封  
安人生仲諄繼王氏生仲誠諄誠能讀父書克世其  
家者也婿潘錦次聘夫聘夫先君子貢士君與先生  
偕賓澹翁館下以故小子獲委禽焉受室一年而先  
君子不幸卒于南雍先生在刑曹實歸其喪貽書遺  
孤而撫摩之免喪三年拜先生里第一見期以國士  
年四十始以諸生計偕春官而先生不及見矣於乎  
慟哉先生沒子弟業有狀矣聘夫次第其大者爲傳  
一通遺諄兄弟藏之其副昇吾諸兒異時髣髴先生  
聲歎焉

論曰吾婺接考亭之傳蓋有胡雲峯云雲峯之裔曰



濟明經起家令崇陽學者稱仰山先生仰山七子業  
儒而二女以子貴封生子皆四其一潘太夫人實生  
大司馬簡肅公吾母之母也其次柳溪先生母于是  
兩姓兄弟八人與聞外家淵源之懿傳經講授迭相  
師友而婺之偉人竟歸二公其亦真有自哉簡肅婿  
于方氏而以孫女妻先生者簡肅王父也簡肅又以  
女妻諄聘夫顧語諄曰猗與二公無愧澹翁仰翁之  
門矣吾與若曹繼體舅甥間其無思趾則也與矧而  
兄弟先生後人乎懋哉隆慶己巳年蜡月初吉門人  
鄉貢太學生張聘夫拜撰

南隱方公像贊

費鵝湖

宏鉛山人狀  
元太學士

甘于韋布。老于恬熙。撫孤松而畢景。拾芝草以療饑。  
此南隱君子。充然自得。而不慕乎人之知也。然而里  
俗薰善良之德。家政惟孝友之施。傾高廩以周急。儲  
珍劑以扶羸。延塾師以成雋異。謹禮教而斥滯神。卓  
然獨行。厥聞四馳。其所謂避名而名隨者乎。夫炳蔚  
之文。必彌中而彪外。積善之慶。恒于燕而孫詒。以公  
觀之。則天道之公益可信。而無疑矣。



方母汪太安人像贊

性貞而靜心厚而慈奉祀也虔而藻蘋必潔養姑也  
孝而棗栗有儀出粟賑饑足以為貧人之母洗粧示  
朴足以為女歸之師相其夫既同仁而協德成其後  
在悅禮而敦詩九膽資勤蓋久別不憂其遠斷機勸  
學雖及老毫不以為疲是宜其有子有孫而克繼雲霄  
之志行見其入臺入省而累膺  
封誥之馳也

方質庵公呂孺人像贊

湛文簡

名若水廣東人尚書

齊雲岑岑降生哲人紫陽名世代多隱淪行乎無名  
亦有世賓字公機心不設孚于鄉隣散財合族忘已濟  
貧恬淡無懷太古之民宛宛良配知書律身勗其夫  
子裕于後昆後昆如何子璫志聖賢外嚴內慈觀瀾  
知源



碧梧子像贊

子既見道于無象焉用像無以其身任斯道之重託  
丹青以寫其真吾知子一息尚存將戰戰兢兢不敢  
頃刻弛其勤子形不滿七尺而萬物皆備于此身予  
索子于七尺而幾失子予索子于日月星辰之所以  
明人倫事物之所以著山嶽河海之所以峙且濶也  
而庶乎得子之神圖子之像者狀貌耳衣冠耳何能  
萬一其成性之存存後之瞻斯像者緣其貌因而求  
其心于所謂隨處體認天理者或少有得焉將知吾  
道羽翼必不可少若人

祭方母太安人汪氏文

潘石隣

名選同邑人進士僉事

仰惟令人篤生右族克配君子蔚稱賢淑選愧無似  
受經葵園聯席季子僑舍理源季子學成銳進觀光  
于時選等同舉于鄉同年兄弟有母之親豚犬何幸  
復辱聯婚至戚關情永期壽考豈意座隔遠驚鵬鳥  
嗚呼哀哉一可哀焉哀兒孫之悽慘悽慘何如泣終  
天而淚眼二可哀焉哀季子之憂鬱憂鬱何如追鼎  
養之未及三可哀焉哀鄉邦之痛慕痛慕何如瞻母  
儀而失所聞訃驚怛何能已已若之何其付諸命耳  
水咽含悲風寒作些一觴致忱情不盡洩尚饗



祭方母太安人胡氏文

游讓溪名震得進士都御史

維靈秉坤之德柔順靜顓毓于儒門紹聞德音父為師儒有賢弟兄安人姊妹並擷其英姊子方伯列卿之望安人有子甲第頡頏珠翟璀璨龍章寵綏天恩家慶令德令儀物忌太盛鸞鏡晚分母也慈壽燕翼詒孫司徒南都母不在養眾子承歡望雲獨悵有來悲風傳此訃音孝子長慟摧割臆心震得南曹同官况叨姻媿恭懷德範永閔幽玄鄉失母儀孰能起之臨哭涕泗孰能已之清酌盈觴侑之以詞惟靈如在庶幾格思

祭正學方時素文

黃翠崖

名洪毗督學南畿福建人

道湮曠世學殊百科關閩濂洛孰揚其波惟

皇肇造建學崇儒庶幾海內大道廓如緬思迂湧忻際昌期藉彼先覺牖我弗迷承乏南行握茲教本力起時疴慎茲華袞訊知高蹈士類推先一誠不鑿二業勉旃傾貲破產澤溢宗盟孤舟死友七夕餘燈茅屋數椽襟懷萬斛仰企考亭勇從芳躅方期按部前席是虛胡奪之速莫挽前驅嗚呼江右鳴盛驥北稱良紫陽之賁邦國之祥題曰正學令聞無疆臨風一薦誰謂濫觴



身崇朝之資... 嗟嗟明谷而遽止是日短途長未見其止予方惕然

祭明谷方先生文

洪覺山

嗟嗟明谷而遽止是日短途長未見其止予方惕然  
胡哭善類嗟嗟明谷早自得師燕北之雲秦淮之月  
上下千古羅浮武夷越雪蜀日卓子弗疑孔門有言  
惡聲遠而畫粥朝朝凡三進之其進伊始謂道藩籬  
合居廣族聲折所賞不愠以來予曰難已恢恢宇宙  
豈可以規因悟溥博遂識淵泉每謂予言其指以時  
予曰溥博要在知一一者無欲時措知幾真覺與見  
千里毫釐退然反躬坐觀化始不執其盈凡三進矣  
遙遙孔顏相期萬里嗟嗟明谷而遽止是福山之陽



方徵士執中先生墓表

汪蓉峯

邑南徵士方執中先生諱振文字尚質生元元統癸

酉十月十五日卒洪武己卯正月二十一日配香山

程氏亦沒合塋寮庄新田尾之原鄉人皆悲之重有

德也子士熹肅禮幣徵予文表諸墓予曩交厥族茂

才君彥昭而因識尚質焉嗚呼尚質不可作已予尚

忍言之哉按尚質先世遷自衢之蘇庄為武宣節度

使庚旺公裔繼居平盈至直學士掌記諸公勲望燁

然曾祖肅翁祖煥章父仲博俱隱德弗仕母澧溪呂

氏尚質生而穎碩髫鬣時即負大志師母舅呂誠孚



習舉子業歸然期爲當世用同輩推服值元季騷擾  
兵寇薦啓國是日非尚質憤歎曰吾何以仕爲哉遂  
遯處香山外舅家嘗路者交辟力辭不起杜門著述  
慎許可取古史閱之見亂賊卽唾罵不屑屑于詞章  
而潛心易學性命之奧嘗曰非朱程書不如勿讀也  
淡得肯綮迨我

朝聖明誕興尋故土而居之曰是可遂吾志矣有司  
復以茂才薦亦不起日孳孳焉以力善爲本發其餘  
賑卹饑乏民咸德之殯厥考于關坑遇仙指穴人謂  
陰隲攸感叙思本橋以濟行旅割祀田一項建定規

時篤孝思平居類選聖賢格言斷以己意名曰積善  
家訓行世又有獻芹錄辟地錄林巖雜著世德圖記  
積善世譜藏于家溢然皆忠愛孝敬之誠外翰王伯  
恂碩儒也稱其博古樂善著述大有裨名教信斯言  
哉信斯言哉矧二子好德而文以世其家裕後可徵  
已因慨夫時以藻飾爲能貴富爲得計而尚質歛采  
韜光出處惟時著作茂甚而一歸于理致律之聖賢  
大學之道尚質有之嗚呼其古道德之士與豈徒立  
言而已哉故予表之曰方徵士執中先生之墓併書  
之俾刻于石過者安得不起敬也夫安得不起敬也







建理源書屋以居學者名其堂曰道一甲子領鄉薦者邑五人而理源居其三明年登進士第者二人學者因其別號稱之爲南隱先生君嚴于祀事然惡淫祠尤不喜浮屠曰彼始業之以其愚終用之以其詐吾方哀其愚而病其詐柰何以其愚自愚以其詐者而自信耶壬申夏鵬入理源書屋升牖而呼守舍婦方績牖下啐之弗爲動投斃斃焉懼其兆將死也泣以告公曰應在主人吾其殆乎八月癸亥病且革迎醫弗聽乙丑向夕有擲石于寢室者詰其狀弗見公笑曰此爲山靈主人將去弗能相<sub>六</sub>耳夜二鼓猶引

手誨人切脉談往蹟舊事亹亹不輟鷄鳴就枕呼諸子曰汝輩且休卽有不諱襄事一依朱子家禮詰旦奄然而逝公生正統辛酉三月十九日享年七十有二配汪諱同有懿行平居雖僕從未嘗見其疾言遽色鄉黨貧乏者賑之貸人弗笑子本暨屬續聞者皆嘆息泣下與公同年以十一月三日生沒正德丁丑六月廿二日也享年七十有七子男三長勤次建次升公歿之八年升奉其姻家潘郡伯旦程進士資所爲狀乞銘公室余母之侄故升來銘曰左繁澗流右密林藩島翕其味龍蟠虎蹲兼山來艮重門闔坤鬱



手蒼乎氣冥曉昏中含儀象上應樞垣峩峩文石風  
雨弗翻嗚呼此南隱先生之原

附手簡 別雖未久心甚懸懸向承以令先尊老  
先生令先堂老孺人誌銘見屬然此文字垂之金  
石須得大手筆但盛意之來故不敢却強成拙藁  
奉覽聞榮行在即此行必作大魁矣敬具麤帊貳  
方預申賀意

與方世良

戴東泉

名敏邑人  
進士參政

山棲與僻寡故舊往來甚思與世良時一會而不可  
得豈足下青雲之心尚勃勃而不肯已入白雲之跡  
有不得而同者耶聞南都千里奮往因感擾攘不及  
此時把老手一角決勝負而乃諉之見幾世良之本  
心恐不如是也區區所望于世良者平日亦不如是  
也無官一身輕有子萬事足此時此景世良果能執  
此况味而不變者耶滿腹經綸未及一試無怪乎世  
良之執不定也此兩年內決圖一會已約潘希周來  
春遊通元觀彼有好景幸携偕行千萬千萬佳作聯



篇從容奉和惜無世良健句耳向使旋未裁荅諒悉其故恕區區非簡也

門生潘鑑

福建僉事

返舍圖及門一謁未遂至今抱歉入閩守官如舊守先生昔日之訓亦未敢忘六月切鄰江西變起趨汀武各界督禦八月盡回省向非陽明老先生早擒其魁天下命脉不知何如作宦者其能安寢况生在衆僚中又獨多有家鄉切近之慮乎聞先生不欲應試飄然告歸敬羨敬羨閩地僻向欠馳問小僕謹此申意鑒照是祈

與方時素道契

湛甘泉

久無嗣音懷念孔勞前月之杪得手翰寄徽客來者中間所言進修之益諸賢文會之雅甚詳而黃山之勝卜築之興土地之懇長往之志浩乎浴沂之風流藹然堯舜之氣象令人此心飄飄乎黃山之巔矣屋室宗廟墳墓所以光前而垂後者人間之事已了意者跳出塵寰以與造化者遊于無窮以畢吾志開春將西登祝融越江湖訪于黃山福山之間東省武夷一線之天甜于新館歸而終焉于朱明青霞大料蓮洞之奧未知天意從人願乎否也而諸賢能相從乎



否也徽客暮來告行稍出視小兒漆之科舉于天關  
燈下草草布啓言已盡而意無窮也時在精舍者有  
鍾叔輝周自正明幾兄弟三人也想欲知併及外書  
二冊奉覽不一譚謝諸賢同此致意外覺山消息久  
缺動定幸便示

東方定庵

潘碧峯

名珍進士侍郎贈都御史

別久曷勝馳仰但未得時致緘問爲歎耳恭喜榮膺  
寵擢自今閩海計必晏然良可爲八閩慶幸况生昔  
叨茲任弗能有爲今得大才以振肅之生與有光多  
矣未及專人稱賀乃返重辱華翰膺儀先施拜嘉之  
餘益增媿感倅旋謹此稱謝餘惟眷照不具

潘方塘

名鑑進士尚書謚襄毅

建陽相左彼此悵懷敝騎離荆日瞻太嶽想執事之  
豪當與之崢嶸也景慕景慕辱問使珍翰猶對面顏  
鄙吝豁然佳果之惠咀嚼之有淡味于經爲丹種堪



以補鑑之不足也感感奚涯新誌甚欲附名顧荒疎  
不知能如願否刑部事唐老已無事家兄向未掌印  
尤可無慮但聞時濟令姪在三十棍之列不知堪否  
亦無妄之災也石磷翁蚤世而族孀又聞難保甚使  
人傷懷次頑昨來自故鄉傳聞相同并以相告使旋  
草畧布謝尚容專人奉問不宣闔政親家乞申意拙  
荆不能筆問也尊亮尊亮

簡方述翁

陳貞亭

名師錢塘人  
永昌知府

弟以四月初潞河發舟六月初抵杭于路幸無恙還  
舍四壁蕭然食指嗷嗷十五六年宦况如斯而已弟  
昨乞休一則以病一則以聞吾南兄與李大叅公相  
關白計欲留滯弟于省幸巡臺知弟無他不然其請  
嗟哉險且毒矣人云蜀道難蜀道何難仕途之險殆  
有甚焉令人驚駭泚頽弟有感拂衣去位以此若丈  
渾金璞玉友愛篤至弟言及輒泫然淚下何遽爾分  
翼也有美如志誠終身願執鞭焉不知何時可奉顏  
色也扼腕扼腕單少淮翁明爽而厚德者賢于鄙人



遠矣夫獲此知相得甚同寅協恭和衷哉不虛矣歸  
田之人舊好日夕在念又無從覓鴻便偶以發學訓  
郭丈弟會友也以書見貽裁荅因思兄宅或有使之  
演及此窮冗不莊不悉恃丈素原也明翁暨鄉先生  
會間幸爲弟致意或可出此書一觀否耿耿鄙懷不  
盡萬分之一懸切懸切

與方衷素

詹問石

名軫光已卯  
知府

頃家弟自邑歸傳致賢意到城冀得一面豈欲踐  
正初之約耶日月其邁倏已秋及冬矣回憶陽春白  
嶽之遊洵聚樂也然而差過亦不少矣茲以令君  
入計來城爲別且將近所著述付剞劂氏當有數日  
之留握手而申契濶亦一發也足下得無意乎特走  
价相聞不旣

慰邁大故

俞見南

名喬戊子  
鄭州知州

薛見曦親到始知尊翁大契丈奄棄凶問令生一  
家淚涕交流恨未翼飛一面傾腸瀉竅爲草枕邊消



勤悶也孝情孝戀雖人子終身大節顧爲賢徑先  
生一籌終身大事前後萬世大事在吾丈一身上  
年正壯胤息必繁且以先尊翁大人之厚積德廣  
施仁且將萬世流芳孫子不億此事大大寬心堅意  
養身養命作永終可久計切不可倉卒恍惚亂心  
腸恐有收拾不及之患此生之心竅中語也分造宅  
一面念本府四尊要候場完一拜方可從容到宅一  
寬洗幸無加芥

復方表素

余少原

不佞豎儒耳無所知識蒙

聖主特達之知簡而任之以股肱留都重地冢卿  
元臣恐貽負乘之憂愈切乞身之念五疏得請  
聖眷彌殷如天之恩媿無以報抵舍人事匆冗尚  
未修候乃承華箋之辱兼之以嘉貺感戰感戰來儀  
敬拜八色餘附璧謝臨書馳溯不盡

啓

門下德與年新福與日茂值長至之令節際  
覽揆之嘉辰凡在賓朋無不踴躍况不佞屬肺腑之



親者乎薄具一芹聊將祝臆從此而耄耄期願未  
有涯也願以三多之說爲門下頌矣伏惟鑒涵  
臨風馳仰

與方衷素

歐陽自文

名豪邑人  
遂溪知縣

我鄉多科寥寥擬社中兄弟當有建海內旗鼓以嚆  
矢中原僅二戴兄比翼秋雲卽宏抱厚積時名藉藉  
如三張昆玉尚未獲展千里而祝信夫程子光程惟  
中兄已殫先朝露良可嗟嘆不肖弟以一明經自老  
尚遺一碩果騫騰于三年不飛之後者必仁兄也幸  
益奮以酬夙志弟以襪線短才膺此衝疲巖邑朝夕  
懼負乘虞覆餗以貽知己羞雖竊自砥礪鉛刀綉澁  
宰割罔効且粵中文網嚴密甲于海內不知何所稅  
駕修我肘劓振我聾聵仁兄其何以策之臨楮神往



纒纒不盡 尊翁老伯未及另候乞叱賤

張慎孺 名成餘邑人

疇昔福山尋盟思及真如隔世每念仁丈宏才雖阻  
一第而惠潤諸宗香傳五桂更茲顏如渥丹彭喬可  
待知造物之予仁丈者不薄風聞尊駕已擇吉謁選  
都門方今 朝有  
聖主風起雲飛鳳池待仁丈久矣敬詢行期以便附  
報尊從諸容嗣賀不盡欲言

竹坡詩

元揭傒斯 學士謚文安

婺源方君竹坡其子念親不忘命工畫者作竹置  
諸齋居朝夕瞻視蒼翠森稍霜露悽愴恒若其親  
之存焉其孝思亦可嘉也已矣

而翁愛竹仍名竹令子思親更盡看日暮高齋秋色  
裏一枝烟雨鳳雛寒

竹坡三章章四句

元虞集 號邵菴學士謚文靖

維竹猗猗維坡岐岐孝思永矣我心弗離  
維竹猗猗維坡峨峨孝思永矣我心弗磨  
竹兮其篁坡兮其岡孝思永矣我心弗忘



元危素

侍講學士

五雲坊下暮烟斜  
夾道疎槐照碧波  
却憶江南風景好  
修修織竹翠連坡

同邑汪澤民

尚書謚文節

坡上蒼雲竹萬竿  
須教每日報平安  
春風煙雨龍孫長  
一一高標耐歲寒

題鑑泉方先生新居

丹陽尹黃子厚

襟度瀟然骨不凡  
欄杆高揭斗牛間  
幽溪盤谷乾坤大  
挺秀穹林猿鶴閒  
興遇斯樓殊未淺  
清分碧澗喜長環  
春風三月芝蘭茂  
誰道嘉名總在山

寄鑑泉方先生

學正王伯恂

公每相思情不間  
我今遙睇興偏長  
問安顧想尋康節  
介特從知類翟陽  
老去課孫勤繼晷  
興來覓句漫追唐  
竹林聞道香醪熟  
不日相從累十觴

送鑑泉先生遊淝

黃道原

東望淮淝千里遙  
輕舟聞欲溯江潮  
莫窺浩蕩潛蛟



蜜好訪英雄飛騎橋想感浮榮如夢幻應歌驪曲當  
笙簫錦還須趁西風早莫待瓊霓亂眼飄

鑑泉先生遠回

王伯脩

淮海歸來隱趣長長廊幽戶鬱相望花前雨過香雲  
暖溪上風生翠袖涼春酒釀成留客醉寒燈挑盡教  
孫忙祇今有詔徵遺逸應及先生鬢未霜

贈方光昭詩

御史連昂

丹詔搜羅四海英高人膺命職非輕琴堂攝政甦民  
瘼梅水司征慰客情晚節天書催入覲先春畫鷁快  
修程會看課最無虧兌廊廟掄材屬老成

八景詩

秦嶺晴風

許禮之

孤峯入層雲一逕逗空翠樹杪明朝暎萬壑掃除  
翩翩躡飛霞邂逅托淡契長揖安期生舉手謝塵世

胡紹


曾與安期相遇共看滄海塵飛習靜翠微光裏問誰  
顛倒裳衣

弋峯晚照

胡紹

高壑沉沉昏黑一峯奕奕輝煌笑指青衣公子操弧  
猶射天狼





原件短缺

p4



方山夜月

程宵

遙空萬里清無塵  
明蟾湧出懸水輪  
香浮老桂素娥  
府為我照徹毛髮  
新方山峩峩插雲  
表翠屏高聳疑  
月小但願當歌對  
酒時呼吸寒光長  
皎皎

黃子厚

天風吹墮碧雀鬼  
翠屏千古窓前開  
水輪碾上黃金  
臺篩林瘦影懸瓊  
瑰廣寒清虛亦何  
有安得雲梯升  
戶牖問訊嫦娥知  
不知老却人間扳  
桂手

曲岸朝烟

汪大用

漁翁巖下宿路繞  
沙岸平晨鍾敲殘  
月一林松烟橫

南隱軒詩

邑人汪玄錫

太僕卿

自將心事語山靈  
築室南峯寄此生  
扶杖有時登絕頂  
看華終日坐前楹  
文章有道須當見  
寵辱無關了不驚  
祗恐姓名歸薦剡  
玄纁加腹奪閑情

悠然臺詩

常熟姚奎

太僕寺丞

雲歛天宇清臺上  
風光好菊花不計  
名遺砌開來早  
采采浸酒杯一吸  
和香倒醉眼瞰乾  
坤日夕青山小

企濂池詩

武進丁致祥

河南參政

清池碧山下泉脉  
月巖通靜對蓮花  
坐羨墻太極翁

當塗祝鑾

廣西參政



碧檻兮芳池翠蓋兮朱華展君子兮獨立紛衆卉兮  
焉誇懷斯人以景仰無臨流而咨嗟

有本池詩

永嘉王激國子祭

淘盡泥沙見碧天江河千里自涓涓臨軒坐對盈科  
後正讀南華秋水篇

雨後更好亭詩

永嘉王激

一雨乾坤洗暗塵青山正對靜中身捲簾偶送登臨  
目萬壑千巖面目新

遊太學贈言

建安滕霄修撰

新安方君世良博學清才少有時譽今年循貢入  
京既試迺卒業南畿太學濱行戶科給事中汪君  
天啓君故同遊也索言爲贈書此歸之

腹笥五千卷青袍三十年泣懷和氏璧後著祖生鞭  
南國從遊舊橋門講席聯隨行聊復爾奮角見昂然  
長劍頻看拭囊琴未擬捐秋風丹桂發應待一枝先

新菴唐臯欽人狀元  
修撰

方君世良予新安婺源人以邑庠名士與予偕拔  
紫陽書院而其困躓場屋頗與予同茲應貢來京



久德堂 卷三  
其聞予竊大魁喜君不以早就自餒予亦爲之喜于  
其歸作美人篇贈之時正德九年四月下浣也

美人自南來握手平生親論心有淡益匪徒杯酒頻  
美人棄我去悽然爲傷神落落見知己誰澆心中塵  
君不見王昭君千金不爲畫士分漢宮久無天子幸  
絕色遠有單于聞又不見馬伏波邊郡田牧如時何  
丈夫壯志窮益堅策勲垂名終不磨美人兮美人結  
髮何必皆青春當年梁孟晚畫諾白頭舉案亦不惡

東峯汪玄錫

戶科給事中

北來南去太匆匆十載心期話不窮聞道幾人如董

子著書終古羨王通莫驚蓬鬢將抽白自信葵心不  
易紅他日狀頭成二寶紫陽山勢更巖崑

二寶乃先達胡司業仲汪學士藻以况世良守也

贈葵園方子

陽明山人

新建伯王守仁

人人有路透長安坦坦平平一直看盡道聖賢須有  
秘翻嫌易簡却來難只從孝弟爲堯舜莫把辭章學  
柳韓不信自心原具足請君隨事反身觀

又寄贈

故人遠在清江浦長向清江送落暉欲寄封書何所  
托山中正是鴈來稀



山居年來殊野僻遣清風使者少致區區

蔡園詩

東峯汪玄錫

芳園書屋喜新成一種葵花四座清不爲繁華偏入  
眼獨憐忠孝最關情風吹疎葉翻芸帙月弄高枝映  
畫楹他日紫薇如作伴莫教冷煖笑儒生

環溪葉天爵

進士知府

尚友心期千古人愛葵亦比愛蓮真孝忠君子咸同  
調湓浦方溪一樣春題扁更于蓮說好著書尚似易  
通純窓前草色年年綠都與觀花意趣新

飛龍引二首送方世良赴秋試

戴狷峯

銑給事中

南山石洞之深不可涯中有老虬精黃金鱗甲玉瓜  
牙多年魚服潛泥沙時來飛上太清家噓烟吐氣成  
雲霞八方四表瞻光華秋正高仙人騎入月  
玉殿恣遊遨

道人手握黃金鞭鞭起癩龍溪洞底張髯奮爪不暇  
眠墨池殘滴分老禪吸來飛躍行中天喫作甘雨灑  
八埏灑八埏甦萬物風雲變態纔倏欵纔倏經冬  
春乘濤鼓浪闢勝萬丈之龍門抱得明珠朝至尊道  
人時方倚天闈對爾一笑應忘言



馬上奉次近體呈教 二首

門生潘旦

曉發山東道追隨不記程  
霜風欺短褐駿馬逐飛旌  
道義寒溫語詩歌長短行  
平生莫相負青史著芳聲  
曉漏催行色羈懷若夢浮  
溪橋霜板滑石竇凍雲流  
小堡開門未前村有酒否  
宦途成底事松竹約尋幽  
午日用杜韻近稿呈

門生潘鑑

山花憐昨日荏苒度春榮  
轉盼流光幻殊方過節輕  
酒浦歸盞嫩官柳近人情  
旅興還難遣迢迢故國情  
問柳隨花路四千吟風弄月又雙賢  
西樵住過羅浮臘待得春風送子還

枕上預留方洪二子

湛翁

七夕園居懷方時文

十嶽山人王寅

雲端破玉鏡挂我青桂叢  
洞簫發孤調佳人安可同  
一居銀漢西一居銀漢東  
相隔三百里欲覓須長風  
豈如牛與女一水鵲橋通

爲賜谷丈題默照亭

人邨苦喧雜老去畏煩煎  
烟火違人遠蓬蒿得地偏  
一亭歡已足三徑笑胡然  
翠借松垂幄池開石湧泉



漁樵常接迹麋鹿獨因緣  
嘯咏雲峯對踟躕木榻眠  
求仁原夢孔悲世復逃禪  
寂默餘方丈虛空徹大千  
性如明鏡淨帶自寶珠  
縣肯累浮生劫渾躋太古年

訪賜谷丈王家隱園

汪少廉

溪谷藏名久爲儒鬢已華  
誰知馬融帳開向杜陵家  
人在芝蘭室門栽桃李花  
不嫌漁父醉留坐話鷗沙

題時文丈默照亭

王士龍

孤亭常與白雲連  
默在蒲團悟性圓  
欲話無生期一訪  
王維家世舊參禪

同方柳溪年丈遊金山寺

王龍泉

名鉅進士

南來北去苦塵寰  
獨覺扁舟歷此山水月橫斜  
天柱表雲烟吞吐海門闢  
老龍善解貧僧話  
深井能開過客顏  
歸去江頭更回首  
却疑仙島在人間

賀方婿巖相遊泮宮詞

鳳鳴岐洪音響徹  
南枝瓊肌玉髓近  
雲達遐彩冠華旗  
阿閣重修雅翮  
塵寰須葆芳蕤  
風乘露煖舞咸池  
應得羽朝儀

右調謁金門



贈中翰袁翁方先生小詩一首 余懷永

浩氣瀟空扣劍鐔博通今古道司南驥淹屢抱青雲  
恨龍卧時披白雪耽秘殿

恩深三錫命華堂數衍百斯男談傾塵尾連旬日自  
媿疎狂老盍簪

贈袁翁方老先生七言一律 余懷悌 貢士

譚道先卿足鴈行翰金掩骼風流光豐年斯玉饑年  
穀夏日為陰冬日陽播德宣綸高魏晉代言預問重  
隋唐從今子結三千茂不數牝玄柱下藏

久德堂內外集後記

夫士戴圓履方以道為本以德為

輿仁義為馭處林泉為真儒出夾

輔為名世斯無愧於天壤若徒搆

英吐華發取世資而罔究根宗以

巫師假禹步鴟質為鸞聲非不焜



燿一 時自宏識者視之直石火電  
光倏忽湮滅禪躬之謂何烏足掛  
齒頰哉余平盈方氏籙宋元來歷  
六七百載於茲代有聞人要以繼  
性葆真砥行樹節沉潛于聖學發  
揮於勛猷義幾無愧者身與憶庚  
戌歲承先君子訓搜閱存稿爲內  
集而以縉紳交遊贈貽爲外集寒  
暑隙駒轉盼已三十易驚錄授梓  
大都人以品重文以含醇韞樸有  
闢名教重非是卽藻葩奪目置弗  
錄蓋有裴行儉先器識後文藝意



焉亦欲後之人知家世自有典刑  
道德爲重權勢爲輕進狂狷而黜  
鄉原有如離蔬釋屨而苞苴是入  
黨援是植盤夫宋范文正先天下  
之憂而憂後天下之樂而樂是自  
貽愧怍自隕家聲也非余詮次意

也願諦思之毋忽

崇禎己卯歲長至日

天都圖南居士方年書



書亦知錄之入賦宋書自序典



西

同治  
藏書



